

Kanton Sarajevo
Skupština Kantona Sarajevo
Admela Hodžić, Klub žena SDA

Sarajevo, 25.02.2020.godine

Kanton Sarajevo
Ministarstvo za obrazovanje, nauku i mlade Kantona Sarajevo

ZASTUPNIČKA INICIJATIVA

Na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo“-Drugi novi prečišćeni tekst, broj 41/12, 15/13, 47/13, 47/15 i 48/16) podnosim inicijativu Ministarstvu za obrazovanje, nauku i mlade Kantona Sarajevo da u što skorije vrijeme izmjeni član 81. Zakona o srednjem obrazovanju Kantona sarajevo ("Sl. novine Kantona Sarajevo", br. 23/2017 i 30/2019) koji se odnosi na preusmjeravanje učenika, a stavom (1) ovog člana je definisano:

(1) Redovan učenik koji je tokom ukupnog dotadašnjeg srednjeg obrazovanja u učenju postigao uspjeh najmanje 4,00 i ima primjerno vladanje ima pravo podnijeti zahtjev za preusmjerenje na obrazovanje za zanimanje koje izabere, u istoj ili drugoj srednjoj školi.

Prijedlog izmjene i dopune člana (81) stav (1)

Redovan učenik koji tokom srednjeg obrazovaanja izrazi želju za preusmjerenje ima pravo podnijeti zahtjev za preusmjerenje na obrazovanje

istog stepena složenosti s tim da će prednost imati učenik sa boljim uspjehom u učenju i vladanju. Redovan učenik ima pravo podnijeti zahtjev za preusmjerenje na zanimanje većeg stepena složenosti (sa III na IV stepen) koji je tokom ukupnog dotadašnjeg srednjeg obrazovanja u učenju postigao uspjeh najmanje 4,00 i ima primjerno vladanje.

OBRAZLOŽENJE

U Zakonu o srednjem obrazovanju Kantona Sarajevo ("Sl. novine Kantona Sarajevo", br. 23/17 i 30/19) članom 81. je propisana mogućnost preusmjerenja učenika.

Sadašnje zakonsko rješenje onemogućilo je učenicima zanimanja III stepena složenosti (zanati) da s tokom školovanja preusmjere na drugo zanimanje ako ne ispune uslove (najmanje 4,00 uspjeh i primjerno vladanje). S obzirom da se radi o učenicima III stepena od kojih većina praktičnu nastavu obavljaju u privrednim subjektima i na zahtjev privrednih subjekata zbog bržeg i lakšeg dobijanja zaposlenja, učenici bi trebali da se lakše i jednostavnije, bez naprijed navedenih uslova mogu preusmjeriti na zanimanje istog stepena složenosti.

Također, i učenici IV stepena složenosti imaju priliku upoznati se sa privrednicima koji u određenom trenutku u toku njihovog školovanja na sajmovima za zapošljavanje ili putem medija ukažu na potrebe i pruže priliku za zaposlenje nakon školovanja i ponude određene stimulacije ili stipendije za radna mjesta za koja će skorijoj budućnosti imati potrebu, mladim ljudima treba omogućiti da u koliko ima mjesta u srednjim školama a njima se u skorijoj budućnosti odnosno po završetku školovanja ukaže prilika za osiguranim radnim mjestom trebamo stvoriti olakšice za

preusmjeravanje učenika kako bi po završetku srednjeg obrazovanja imali šansu da odmah stupe u radni odnos.

Naročito treba obratiti pažnju na deficitarna zanimanja u Kantonu Sarajevo i u skladu s tim stvarati pretpostavke i olakšice za preusmjeravanje učenika srednjeg obrazovanja kako bi što prije po završetku školovanja zasnovali radni odnos.

Molim nadležne da što prije pristupe rješavanju ovog problema, odnosno izmjenama i dopunama Zakona kako bi mladi ljudi u Kantonu Sarajevo imali bolje uslove i veće prilike za zasnivanjem radnog odnosa odmah po završetku školovanja.

Admela Hodžić
